

FIESTE DE PATRIE DAL FRIÛL 2018*A VOLESÓN DARZIN lis celebracions uficiâls dal inovâl, domenie ai 8 di Avrîl dal 2018*

Al sarâ Voleson Darzin a ospitâ lis celebracions uficiâls de Fieste de Patrie dal Friûl, 941 agns daspò de nassite dal Stât patriarcjâl furlan.

L'event al è programât par **domenie ai 8 di Avrîl, tacant des 10.30**. Il corteu, acompagnât de bande de Società Filarmonica Valvasone, direte dal mestri Andrea D'Incà, al partirà de **Cjase Comunâl di Darzin**, in Place dal Municipi, e al rivarà in Place 73° Lombardia pe esposizion de bandiere dal Friûl.

Aes 11.00, inte Glesie di Sant Michêl, il delegât dal Vescul de Diocesi di Concuardie-Pordenon, pre Daniele Rastelli, insiem a pre Italice Gerometta, a celebraran la **Messe par furlan**.

La **Cerimonie Civil** si fasarà po dopo a Voleson, tacant des 12.30, tal Auditorium des scuelis "Erasmus di Valvasone". E tacarà cu la leture de Bole dal Imperadôr Indrî IV, che e rapresente l'at di fondazion de Patrie dal Friûl; po dopo al sarâ il salût des Autoritâts e l'anunzi dal vincidôr dal Bant pe composizion dal Imni uficiâl de Patrie dal Friûl, promovût dal Istitût Ladin Furlan "Pre Checo Placerean".

Dopo de polse pal gustâ, tal Cjistiel di Voleson Darzin al larâ in sene il **spetacul teatrâl itinerant** "Pachis e Patrie", par cure di Matarans Academy, Piccola Scuola di Teatro per ragazzi di "La Compagnia dei Guitti". **Ideât di pueste pe Fieste** di Adriano Del Fabro e Samuele Catarossi, che a 'nd à curât il test, cu la regjie di Federico Scridel, il spettacul al conte i fats sucedûts pardabon te gnot di Sant Martin dal 1582, te planure furlane. A son programadis cinc rappresentazioni – tacant aes 14.30, po dopo aes 15.15, aes 16.00, aes 16.45 e aes 17.30 – pensadis tant che un percors in plui fermadis che i spetatôrs a fasaran acompagnâts dai atôrs, dentri de curnîs medievâl sugjesteve. **I puescj a son limitâts e e je duncje obligatorie la prenotazion dentri dai 4 di Avrîl**, contatant *l'Ufici IAT di Voleson, dal martars ae domenie, des 10.00 aes 12.30 e des 14.30 aes 17.30. Tel. 0434 898898, email: info.valvasone@gmail.com.*

Cu la stesse modalitât si podarâ prenotâ il gustâ sociâl – **simpri dentri dai 4 di Avrîl** – li de Mense des scuelis "Erasmus di Valvasone".

Aes 15.30 e aes 17.00, tal domo di Voleson a son invezit programadis lis **visitis voidadis al orghin splendit** realizât di Vincenzo Colombi intal 1533, acompagnadis di un concerti. Al bastarâ presentâsi sul puest tai doi oraris scrits parsore.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / e-mail: arlef@caltpr.it
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<

LA STAFETE DES LENGHIS MINORITARIIS

Dopo dal sucès de prime edizion, a acompagnâ la Fieste e torne la **Stafete des Lenghis Minoritariis dal Friûl**, manifestazion sportive promovude de Regjon e de ARLeF e coordenade de Associazion Maratonine Udinese.

E partirà **sabide ai 7 di Avrîl** di Place dal Cjapitul, a **Aquilee** e, dilunc un percors di plui o mancul 110 chilometris, e passerà pai comuns di Aquilee, Flumisel, Rude, Cjemplunc, Dael, Visc, Palme, Gonârs, Cjasteons di Strade, Talmassons, Bertiûl, Codroip e Vildivar, di dulà che e tornarà a partî **domenie ai 8 di Avrîl** par Morsan des Ocjis, Cordovât, Siest, San Vît dal Tiliment, Cjasarse, San Zorç da la Richinvelde, San Martin dal Tiliment e Voleson Darzin. Ducj i ponts di ristôr dilunc dal percors a saran ufierts dal partner tecnic ERSA – Aqua.

La Stafete e vûl rimarcâ in maniere simboliche la impuartance des diviersis identitâts linguistichis presintis inte Patrie dal Friûl, cu la presince di atletis furlanofons, slovenofons e gjermanofons di tantis societâts sportivis no agonistichis, che a puartaran tant che testimoni il test de Bole Imperiâl. Il sproc de manifestazion al è *“La nestre Patrie, lis nestris lenghis-Naša Domovina, naši jeziki-Unsere Heimat, unsere Sprachen-La nostra Patria, le nostre lingue-Our Homeland, our languages”*.

La Stafete des Lenghis Minoritariis e tairà il travuart aes 16.00 intal plaçâl dal Cjistiel di Voleson Darzin. Lis premiazioms, acompagnadis dal spetacul di tambûrs e di sbandieradôrs dal “Grup Artistic Furlan”, a segnaran il sierâsi de Fieste de Patrie 2018.

LA FIESTE IN DIRETE ANCJE PAR TELEVISION

Cui che nol rivarà a partecipâ ae Fieste de Patrie, **domenie ai 8 di Avrîl**, des 11.30 aes 12.45, al podarà cjalâ su Telefriuli, Canâl 11, il **speciâl in direte** de trasmission “Il Campanile della Domenica” e in streaming sul sît www.telefriuli.it

TANCJ I EVENTS COLATERÂI PAR CELEBRÂ I 941 AGNS DE PATRIE

Lis celebrazions de Fieste de Patrie no son dome inte zornade uficiâl dai 8 di Avrîl, ma a son acompagnadis di un **calendari siôr di events** - che al cjape dentri raprezentazions teatrâls, concerti, conferencis, presentazions di libris e tant altri ancjemò - promovûts su dut il teritori furlan de bande di Comuns, ents e associazions. **Il calendari detaiât des iniziativis al è disponibil sul sît internet de ARLeF, www.arlef.it**

Tra lis tantis iniziativis colaterâls ae Fieste dal Friûl, dal sigûr al merete une segnalazion speciâl, par vie che al è pai plui zovins, il concurs a premis **“Emozions furlanis in viaç pal teritori”**, che si indrece aes scuelis de infanzie, primarie e secondarie di prin grât di dut il Friûl, promovût dal Ufici Scolastic Regjonâl, insiemi cu la ARLeF e cu la Provincie di Udin, e che al è rivât ae otave edizion. Lis premiazioms si davuelzaran te buinore dai 20 di Avrîl, tal salon di Palaç Belgrât, a Udin.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / e-mail: arlef@caltpr.it

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<

VOLESON DARZIN, CJARARSE E SAN ZORÇ DA LA RICHINVELDE: UN PROGRAM SPECIÂL

Dai 3 ai 7 di Avrîl, i Comuns di Voleson Darzin, Cjasarse e San Zorç da la Richinvelde a anticiparan la zornade de Fieste dai 8 di Avrîl cuntune setemane di iniziativis interessantis.

Miercus ai 28 di Març, une cerimonie tal Teatri Pasolini, a Cjasarse, e metarà adun i **arlêfs di tierce medie dai trê comuns**, che a varan in maniere simboliche in don la bandiere dal Friûl.

Martars ai 3 di Avrîl, aes 20.45, simpri a **Cjasarse**, te Sale consiliâr di Palaç Burovich de Zmajevich, si davuelzarà "**Note di storia Patria. Serade di storie e di musiche furlanis**" cun Pier Carlo Begotti, Paolo Forte, Emma Montanari e Flavio Bortuzzo. L'event si concludarà cuntun brindis cui tradizionâi "Colaçs", i biscuits de tradizion, spiegâts pe ocasion di Gabriele Pressacco, scritôr, storic e cogo furlan.

Miercus ai 4 di Avrîl, aes 20.45, a **San Zorç da la Richinvelde**, tal Auditorium de biblioteche al sarà un incuintri di aprofondiment su la relazion tra il Patriarcje Bertant di Aquilee e i inteletuâi de epoche. Ae cunvigne, "**Bertrando e l'Universitas Studiorum. Circolazione di intellettuali, libri e idee nella Patria del Friuli del XIV secolo**", a saran presints i relatôrs Angelo Floramo e Alberto Vidon.

Joibe ai 5 di Avrîl, aes 20.45, a **Darzin**, te Sale consiliâr de Cjase comunâl, al vignarà presentât il libri di Gianfranco Ellero e William Cisilino "**Il Friuli in Europa. L'Europa in Friuli – Memorie di uno storiografo**", cu la presince dai doi autôrs.

Vinars ai 6 di Avrîl, aes 20.45 a **Voleson**, te Sale Roma dal Municipi al sarà proietât il docu-film di Massimo Garlatti-Costa "**Missus. L'ultima battaglia**", che al conte la storie dai ultins predis di Glesie Furlane, e la lôr bataie cuotidiane par mantignî vive la lenghe furlane.

Sabide ai 7 di Avrîl, aes 17.30, a **Cjasarse**, te Sale consiliâr di Palaç Burovich de Zmajevich si davuelzarà la cunvigne "**Dov'è la mia patria**". I relatôrs Angelo Floramo, Angela Felice, Giacomo Trevisan e Erika Adami a fasaran une riflession su la identitât e su lis sôs dinamicis intal Friûl dal III mileni, cuntun percors ideâl che al va di Pasolini fin ai nestrîs dîs.

Cun di plui, des 15.00 aes 17.00, in colaborazion cu la "Pro Loco Casarsa della Delizia", si pues visitâ i **lûcs di Pasolini a Cjasarse**. Plui informazions su www.pasolinifriuli.it

Infin, sabide ai 7 di Avrîl, aes 20.45, a **San Luring (Voleson Darzin)**, tes ex scuelis elementârs, si podarà viodi il spetacul teatrâl in lenghe furlane "**Çurviei scjampâts**", dal Teatro Incerto.

Udin, ai 3 di Avrîl dal 2018

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / e-mail: arlef@caltpr.it

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<